



'Vjerovjesnici su upravljali Izraelićanima, i kad god bi umro jedan vjerovjesnik, nakon njega bi se pojavio drugi. Međutim, poslije mene neće biti vjerovjesnika, ali će biti halife, i bit će ih mnogo.'

Prenosi se da je Ebu Hazim rekao: "Boravio sam kod Ebu Hurejre pet godina i čuo sam ga da je prenio od Poslanika, sallallahu alejhi ve sellem, da je rekao: 'Vjerovjesnici su upravljali Izraelićanima, i kad god bi umro jedan vjerovjesnik, nakon njega bi se pojavio drugi. Međutim, poslije mene neće biti vjerovjesnika, ali će biti halife, i bit će ih mnogo.' 'Pa šta nam naređuješ u vezi s njima?', upitaše ashabi. 'Održite prisegu datu prvom, a potom svima sljedećima, te ispunjavajte obaveze prema njima. Allah će ih pitati za ono što im je povjerio na upravljanje', reče Poslanik, sallallahu alejhi ve sellem."

[صحيح] [متفق عليه]

Poslanik, sallallahu alejhi ve sellem, obavijestio je da su sinovi Israilovi bili vođeni poslanicima, koji su njima upravljali kao što vladari upravljaju svojim podanicima. Svaki put kada bi se među njima pojavio nered ili odstupanje od pravde, Allah bi im poslao novoga poslanika koji bi ispravio njihove postupke i vratio ih na pravi put. Nema više poslanika nakon mene, te neće biti onih koji će raditi ono što su radili moji prethodnici. Nakon mene će biti halife, bit će ih mnogo, ali će se među njima pojaviti nesuglasice i trvenja. Ashabi su upitali Poslanika: "Šta nam naređuješ da radimo tada?" Rekao je: "Kada se nakon jednog halife prisega dadne drugom dok još postoji prvi, prisega prvom je ispravna za razliku od prisege drugom. Drugom je zabranjeno da ju traži. A vi ispunjavajte obaveze prema nadređenima, pokoravajte im se i slušajte ih, osim u onome što je grijeh. Allah će ih dovesti pred Sebe i oni će odgovarati za ono što rade s vama."

<https://sunnah.global/hadeeth/bs/show/4936>

